

Менам муса қызъяс

Менам йöрын, Помöсдiнын, быдмöны мичасъыс – мича кызъяс. Видзöдлан да – шемöсман. Пашкыр юраöсь, еджыд кокаöсь, менам сьöлöмлы да синлы вывтi донаöсь. Во гөгöр чöж любуйтча наöн. Тöвнас эзысь гыöр вевттьö пуяслысь сырмöм вожъяссö. Серпасыс - мойдын кодъ! Тулысын, кор чепöсьöны вожъяс вылын нэриник турунвиж коръяс , синмыд вазьö кызъяс вылö видзöдiгөн. Гожöмнас, кор шойчча сад йöрын , пуясыс вевттьöны менö жар шондi югöръясысь да шура-шаракылöны небыдик коръяснас, мыйкö меным гусьöникöн шöпкöны - висьталöны. Арнас, кор вежöны ассыныс турунвиж паськöмсö зарни сарапанъяс вылö, югзьöдöны мичлуннас став уличасö да ылiсянь на меным нюмъялöны.

Дыр на сулалöй, муса кызъяс! Керкаöс видзöй, öшинь улöс мичмöдöй! Некор ог вунöд донаясöс...



Эжва ю

Ме ола зэв мича сиктын, и нимыс сылөн - Помөсдін. Сулалө тайө важся коми сиктыс джуджыд гөра вылын, а орччөн визувтöны юяс... Стöчджыка кө – кык ю. Öтиыс- визув, уна чукльöма Помөс, а мöдыс- вöляникысь кывтысь, сöстөм да югыд Эжва. Тайө кыкнан юыс, кыз и дона сиктöй, зэв ёна кажитчöны меным, но век жö Эжваысь сьöлөмöй быттö ёнджыка шоналö...

Унаысь ачымöс юавла: «Мыйла тадз? Мыйла буретш Эжва?». Гашкө, сы вöсна, мый мян олан керканым сулалө тайө ю дорсянь неылын и ме ичötдырсянь аддза сылысь быдпöлöс мичлунсö? Аддза, кыз ярьюгыд шондi ворсöдчö югöрнас юыслөн неджыд гыясын, а Эжва радпырысь нюмъялö сылы аслас зарни дзирдалöмнас. Кыз сьökыд кымөрьяс видзöдöны юö, а сiйö лöня визувтö, быттö мыйкө виччысьö, быттö мыйыськө повзьöма.. Кыз зэр чутьяс усьöны пемдöм ваö : первой ньöжйöник, а сэсся пыр öдйöджык и öдйöджык... Сэки Эжва гутыртчывлö, ва веркöсыс быттö пöрысьмывлö мортлөн чужöм моз. Кажитчö, мый и юыслөн эмöсь сьökыд думьяс, и век жö зэр бöрын Эжва кокниа ышловзьö, чужöмыс бөр шылялö, ваыс сöстöммö, а юыс нюмъялiгтыр визувтö водзö.

Торья нин ёна Эжва юыс меным сьöлөм вылö воö тулыснас, кор кыз йиыс жугласьö и юыс быттö вылысь чужö, тэрмасьö öдйöджык петны вöльнöй свет вылас, лолыштны чöскыд тувсовья сынöдсö, а сэсся паськавны, ойдны, сывйыштны аслас борд улö видзьяс, берегьяс, воöдчыны весиг вөрöдз, петкöдлыны ассьыс помтöм вынсö...

А тöвнас юыс дзебсьылö йöз син улысь небыд, лымья эшкын улö, мед неуна шойччыштны да вöляникысь визувтигмоз аслас олөм-вылөм йылысь мөвпальштны.

...Унаысь ме лэччывла крут чойсянь Эжва дорö, унаысь пукавла берег вылас, вoйлала аслам юрсигусьяс-мөвпьясын да мичлуннас любуйтча. Сэк сьöлөмöй ойдö бурөн, шоныдлунөн. Сэк окота шуны: «Аттö жö тэныд, муса

юй!» Сөмьн төдө-оз та йылысь Эжва-матушкаыс ? Оз тай вочавидз, сөмьн
лөня кывтö да кывтö...

